

2 ta-in la sa ding uh hi. Tedim lasasiam te lakpan Thawn Kham le Pauhat (ZHA) te'n va uap ding uh-a luutman ticket khat ciang ks 2,000 hi ding hi. (Ref: Nuambawi, GTC)

**Siamsin Puan le Magazine:** Kalay University Siamsin Kipawl na pan akibawl TShirt puan kingah ta hi. Adeih te'n Sianpu (Geog) le Lianpi (Geol) te tungah kilei thei hi. Siamsin Awging Magazine Vol-2 (2008) zong ki ngah ta-a Zingsol PCO (Tahan) le mun dang tuamtuam te-ah kilei thei ta hi. (Tongsan Reporter)

**Sing Unau Khawk Tukpeng:** Sing Unau tukpeng kidemna 11 Aug - 9 Sept 08 dong kimawl ding-a kigel pen 1 Sept 08 ni MaYaKah tukpeng kidemna tawh kituak ahih man-in 30 Aug 08 ni-in zawh ding-in geelna nei kiik uh hi. (Tongsan Reporter)

**Moh Sya Kideih:** Niangtui sai ading moh bawl asiam mahmah khat amanlang-in kideih ahih man-in alungluut te'n ZYA zum-ah ki dong thei hi. (Ref: Khupboih)

**Hong Kan Un:** Kenbo cycle khat ii Dis-wine (ခရစ္စမတ်) khat kimu ahih man-in anei te'n Konfi Computer Services (Leipi)-ah ong kan ta un. (Tongsan tanu te)

**Vanleng 557 tawh Huhna Van:** Kawlgam Nargis hang in May leh June sung-in Vanleng 557 in huhna van tuamtuam, zatui, zaha le nektheih tuamtuam ton 9169.872 hong puak uh hi. (Ref: Zangkong Awging)

**Gilpi kizom:** Bangladesh Doctor te in kha 4 apha gilpi kizom naupang 2 te nai 7 sung at in lawhcing uh hi. A gilpi bek kizom in adang alu, akhe, akhut te kizom lo hi. A at Doctor 50, Nurse te le mipil misiam te in a khuapi-uh Dacca-a Bangabando Medical College ah at uh hi. A peng nihte in sin khat, sin kha khat, sinkha atuam khat bek nei-a a nakguh nihte zong hoih hi. Naupang a khat zaw pen 6 Aug 2008 ni taklam in si hi. (Ref: 7 Day News + WE)

**Huhna pia:** Lawi, bawng, ganhing te tatawlh natna le TB natna kilawhloh nading-in JICA (Japan International Cooperation Agency) pan Kawlgam-a ganhing khawina le ganhing zatui sutna lam pan nasem mikhat Traning sin dingin 10 Aug 2008 in Japan gam ah pai hi. (Ref: WE)

**Huihpi Nungkiik Thei:** Oct-Nov 2008 sung-in huihpi nungkiik thei ding-in khuahunciamteh te-in lamem ahih man-in khuahun hoih le hoihloh theih-sakna te zuih ding kisam hi. (Flower News)

**Kawlgam ah Hong Zin:** UN Secratary special envoy Ibhram Gambari in Kawlgam-ah 18 Aug 2008 ni-in hong pai-a, a 4 vei hong paina hi ta hi. UN human right special envoy thak Tomas Ojea Quintana zong 3 Aug 2008 ni-in hong pai-a 3 Aug pan 7 Aug 2008 dong Kawlgam ah tam-in, a khualzinna vaite UN human right council ah March 2009 in Report pia ding hi. (Ref: WE)

**Number 8 Anei Naupang:** America gam Iowa State Sidaret khua a om St. Luke Zatopi ah 2008 kha 8, zingsang nai 8 leh minute 8 hun-in numei leh pasal apeng suak a, anih un Pong 8 le ongsah 8 tuak in gik

uh hi. Naupang peng te pen a pi leh a pu i tu te lak pan a 8 na hi lai lai uh hi. (Ref: WE)

**Mai Vun Siasak Thei:** Kum beisa (expired) le a man tawm kizepna te-in maivun siasak thei hi. Kizepna na lei leh van hoih/hoihloh ong gen thei te le a bung tung-a akigawm van namteng (ingredients) akigelh te bek lei/zat huai hi. Na zat ngei nailoh na lei ding leh nakhut tung ah nuhsin masa-in ni 3, 4 khit teh nakilem leh lei pan in. Nakilem loh namai na nuh khak leh namai thak-in a kang, a vom, a san in omthei-a maivun siasak thei hi. (Ref: 7 Day News)

**Hizbullah in Phula Ding:** Hizbullah in amakaipi pa khat-uh Imad Mughniyeh asihna hang-in Israel tung-ah phu alak nading hun hong nai semsem ta hi ci'n 22 Aug ni-in gen hi. Mughniyeh pen Hizbullah makai nihna pa hi-a 29 Feb 08 ni-in Syria gam Damascus khuapi-ah bomb puakkham-a asi hi-in Israel te' khutlum ding-in ummawh uh hi. Israel kumpi'n leitung gam tuamtuam-a om agammi te kiang-ah mat (abduction) athuakloh nading aki dop tek nading-un theisak (warning) hi. (Ref: Internet)

Tapeng 7 Nei: Egypt gam Alexandria khuami Ghazala Khamis aki ci kum 27 apha numei khat-in 16 Aug 08 ni-in tapeng 7 suak hi. Tapeng 7 lak-ah pasal 4 le numei 3 pha uh-a avek-un dam kim uh hi. (Ref: Internet)

**Gualzo te**

- |                              |                                 |
|------------------------------|---------------------------------|
| Kaam kibang-ah               | Khuak hoih te'n gualzo          |
| Khuak kibang-ah              | Mi citak te'n gualzo            |
| Cihtakna kibang-ah           | Sikan(Discipline)nei ten gualzo |
| Sikan(စည်းကမ်း)neihkibang-ah | Deihsakna anei te'n gualzo      |
| Deihsakna neih kibang-ah     | Mi thuman te'n gualzo           |
| Thumanna kibang-ah           | Kam khum te'n gualzo            |
| Kamkhum kibang-ah            | Thugen siam te'n gualzo         |



**Zaksakna.....**

Zomi te theihhuai, zathuai, Zogam sung-a thupiang tuamtuam le article hoih nono te nong puak ciat nading-un kong ngen uh hi. (Tongsan tanu te)

**Kawlpai Vanman (24 Aug 08)**

Antang(Pawsan)	ks.16,000	Bawngsa 1vs	ks. 5,000
Antang(Shwetoe)	ks.19,600	Voksa 1vs	ks. 4,500
Bethau 1vs	ks. 5,000	Aksa 1vs	ks. 5,000
Sithau 1vs	ks. 3,600	Ngasa 1vs	ks. 4,000
Cikhum 1vs	ks. 800	Uisa sehkhat	ks. 1,500
Bawngnawi B1	ks. 850	Aktui tangkhat	ks. 120
Besan 1vs	ks. 1,200	Lothangsan 1vs	ks. 400
Aluu 1vs	ks. 1,000	Lothangkang1vs	ks. 700
Sabar(Shwewa)T1	ks. 250	Cii (iodine) thoh1	ks. 400
E-Lan (200gm)	ks. 285	SuperCoffee thoh1	ks. 120
E-Lan (500gm)	ks. 750	MikkoCoffeethoh1	ks. 100
E-Lan (1kg)	ks. 1,900	Calcium Quaca 1	ks. 100
Khuaimai (Alian)	ks. 350	Datsi Gal 1	ks. 6,000
Khuaimai (Alai)	ks. 300	Diesel Gal 1	ks. 6,000

**LUNG DAM KOHNA**

Salai Kipp le Dal Cing te nupa in tutung Tongsan laihawmna sumbei khempeuh minam le lai itna tawh hong piakhia ahihman-in Tongsan pan lungdamna kong pulak uh hi.

\*\*\*\*\*  
 Editor: Lia Kham Sian Lun  
 DTP: Konfi Computer Services (Leipi Veng)  
 \*\*\*\*\*